

大清宣統政紀卷八

宣統元年己酉閏二月丙申諭內閣欽天監右監副常海奏請開缺終制一摺欽天監職司推測係屬專官常海著改爲署任

毋庸開缺

現月

諭軍機大臣等派往

西陵梁格莊

暫安殿各項值班王公大臣侍衛等著照單開每班賞給津貼數目

由度支部按班發給

現月

又諭陸軍部奏欽奉恩詔查辦軍台

廢員開單請旨一摺除柳大年桂陞李增海劉榮璫葉茂青呂

國銘余鼎銘朱光點譚炳榮存誠吉祥等均毋庸查辦外福源

羅人鑄均著加恩釋回易濬礪潘效蘇周開曙張樹炎均著加

恩釋回仍呈繳台費陳尙新魏漢文均著加恩減免二年李滋

生曹本煌有泰劉耀坤瑞洵譚湧發均著加恩減免一年屆期

即行釋回以示朕法外施恩至意

現月

又諭電寄專使美國大

臣唐紹怡電奏悉德皇贈給該大臣等寶星均著准其收受

電寄

東三省總督徐世昌等奏上年奏陳酌籌本省旗丁生計摺內聲明將嫩江迤西省署未經放出之荒酌留數段作爲本省無地官兵生業在案旋據委員報稱共勘得可墾地兩萬二千餘晌若按原奏所定地數照撥不敷甚鉅所有報領未交荒價之地如再逾限不交擬即分別撤回以補官兵生計之不足下

部知之

包摺

湖廣總督陳夔龍奏吏部議准湖北宜昌府通判

移駐東湖縣之鴉雀嶺以該通判原係簡缺應否改爲要缺或仍作簡缺須由臣查看情形辦理查該通判移駐鴉雀嶺係因地制宜藉資控馭起見緝捕撫綏一切事宜雖視從前職任較重比之衝繁要缺尙屬有間應請仍作爲簡缺下吏部知之

包摺

驗看進士館游學畢業及補習畢業各學員得旨考列優等之翰林院庶吉士程叔琳著授職檢討並加侍講銜王慶麟鴻

志高毓澎均授職編修並加侍講銜

現月

裁湖北黃州協副將

撫標中營興國營參將各一撫標右營提標右營荊門營鄖陽城守營宜昌前營遊擊各一提標前營鄖陽前營施南協中軍都司各一督標右營撫標左營中軍撫標右營德安營中軍提標左營中軍提標後營中軍鄖陽鎮左營中軍前營中軍衛昌營中軍遠安營中軍守備各一從湖廣總督陳夔龍請也

摺包

予故湖北宜昌鎮總兵傅廷臣優卹如軍營立功後積勞病故

例

摺包

丁酉諭軍機大臣等御史徐定超奏軍港要區請旨飭

勘一摺著籌辦海軍王大臣議奏

現月

出使英國考察憲政大

臣郵傳部左侍郎汪大燮奏赴英考察憲政現編纂憲政要目答問十卷英國憲政要義四卷英憲因革史三卷政樞綱要五卷樞密紀畧二卷曹部通考二十卷國會通典十四卷國會立法議事詳規三卷選舉法志要十九章英理財沿革制度考五

卷法庭沿革考五章司法考略四卷民政輯要八卷治屬政略
五卷計成書十四種俟到京繕呈用備採擇報聞包摺 戊戌憲
政編查館奏遵准升任內閣學士寶熙奏請設貴胄法政學堂
一所凡宗室蒙古王公滿漢世爵及其子弟曾習漢文者皆令
入學閒散宗室覺羅及滿漢二品以上大員子弟亦准考取肄
業分爲正簡兩科正科四年畢業簡易科二年畢業其業經從
仕貴胄及滿漢四品以上官員另設聽講一班以一年半畢業
專授法政大義擬定章程九章三十九條並豫算經費數目繕
單呈進擬請派王公一員二三品大員一員分任該堂總理監
督之職奉

上諭現正預備立憲需才孔亟凡宗室外藩王公滿漢世爵若不
預爲培植其何以儲政才而裨治本應即設立貴胄法政學堂
以廣造就著派貝勒毓朗充貴胄法政學堂總理農工商部左

侍郎熙彥翰林院學士錫鈞充貴胄法政學堂監督務宜認真經理毋負委任至宗室王公暨其子弟實爲滿漢及外藩世臣之表率如有及歲尙未入學與入學後半途退學或不恪守學規等事該總理等尤宜破除情面勸懲一切照章辦理勿稍寬假至陸軍貴胄學堂最關緊要仍須認真勸勉廣儲干城總期安勉兼施用副朝廷興學教胄文武兼資之至意

現月
曆包

農工

商部奏遵奉限期將本管事宜應辦各要政詳加釐訂略分四類曰調查曰籌議曰興辦曰編制約一百二十八條分年列表第一年調查中外棉業籌議各省設立農務總分會籌辦自來水籌辦京師工業試驗所開辦京師農業試驗場重建京師勸工陳列所推廣內地及海外各埠商會推廣各處船會招致華僑創辦大宗實業頒布農會章程頒布劃一度量權衡制度修訂商標章程第二年通飭清釐全國礦山區域通飭各省照章

檢留最通用之度量權衡舊器各一種查明核定報部調查各國賽會章程辦法通飭各省調查商品出入大概數目商務衰旺大概情形編成報告籌議開墾事宜林業事宜通飭各省籌設漁業公司水產學校籌設化分礦質局舉辦各省農務總會設立蠶業茶業講習所第三年調查各省出產商品飭各省調查商品出入詳細數目商務衰旺實在原因編成報告通咨出使大臣將各埠華商人數商業冊報通飭各省籌設農林學堂農業試驗場推廣保險辦法舉辦各省農務分會推廣蠶業茶業講習所開辦化分礦質局施行劃一度量權衡各種細章頒行度量權衡新器劃一京外官衙局所各省城各商埠度量權衡商務總會以次設齊頒布棉業圖說獎勵棉業章程礦務新章保險規則運輸規則編訂工會規則第四年調查絲市茶市情形全國礦務品類產額銷場編製統計全國工藝及製造原

料編製統計調查全國著名工藝品通飭各省設立專門學堂
工廠研究改良各州縣籌設習藝所各省會各商埠籌設工藝
局勸工陳列所各省籌設礦務學堂組織各種工會研究工業
改良法籌設各省商品陳列館籌議獎勵海外貿易通飭商民
出洋貿易海外大埠華商商會以次設齊商船總會以次設齊
編定各處酌留度量權衡一種舊器與新器比較表統計各省
歷年商品出入商務衰旺分別列表籌議改良辦法頒布商業
登記章程監督交易行規則整頓貨棧規則第五年通飭農會
編輯農務統計列表報部調查森林區域籌議改良棉業絲業
茶業事宜通飭籌議農事半日學堂農事演說會場籌設各省
勸業會爲賽會之練習劃一各府城度量權衡各省會及通商
口岸商品陳列館以次成立彙齊各省商務報告逐年比較列
表統計核定改良辦法頒示商民第六年通飭各勸業道編輯

畜牧統計漁業統計列表報部籌議整理漁業繪具圖說籌設獸醫學堂籌辦農林礦務警察籌辦商團籌辦國內賽會通飭農會改良農具開拓農業增殖農產實行開墾辦法商務分會商船分會各省勸業會以次成立釐訂振興絲業茶業辦法第七年通飭各勸業道查明水利事宜繪具圖說報部通飭各省籌設美術學堂實行改良棉業振興絲業茶業辦法外埠商會各府及大埠商品陳列館以次成立編製歷年航業推廣比較表第八年考查農會商會船會辦理成績籌議萬國賽會設立商律講明所開辦國內賽會編製實業公司局廠逐年增進比較表編製歷年海外貿易比較表第九年通飭報告歷年籌辦森林情形列表統計調查改良棉業絲業茶業商業後逐年進步列表統計劃一各廳縣度量權衡各州縣商品陳列館以次成立開辦萬國賽會編製全國農產品水利森林畜牧漁業礦

產圖志編訂全國工藝商業志下憲政編查館知之

包

郵傳

部奏遵將應辦要政分則按年籌備開單呈覽第一年滬甯告
成門頭溝枝路告成廣東粵漢築成由黃沙起至迎嘴一百二
十八里潮汕意溪枝路告成啓築津浦啓築福建漳廈啓築湖
南粵漢啓築齊昂接築京張汴洛廣九各官路滬嘉杭嘉蕪廣
南潯各商路查勘川漢洛潼西潼同蒲江蘇浙江潮汕新甯惠
潮廣西福建滇蜀安徽江西各商辦鐵路款項工程勘估吉長
路線覆勘四川宜夔路線勘估正德路綫勘估延長石油礦路
綫清還京漢鐵路借款議銷廣澳成約廢止京奉南票運礦枝
路合約收贖商電改歸部辦展設太湖縣至安慶電線展設貴
陽至興義電綫展設上海至川沙廳電綫展設浙江桐鄉至雙
橋電綫展設江西饒州至景德綫路展設下關至浦口綫路大
修江甯至漢口電綫大修京師至保定電綫改設保定至信陽

州電綫展設湖南常德至益陽電綫籌畫覈減電報價目派員赴葡萄牙萬國電政公會聽講爲預備入會基礎整頓上海實業學堂籌設臣部實業學堂第二年汴洛告成京張告成杭嘉告成滬甯告成新甯告成齊昂告成商定吉長借款啓築吉長啓築四川漢啓築洛潼啓築清徐啓築杭甬啓築鄂境川漢接築廣九接築漳廈接築蕪廣勘明張綏路綫測勘張庫北幹路綫廣西聘員測勘路綫商議改良安奉並派員履勘路綫勘定海清開徐路綫實行覈減電報價目二成展設科布多至綏來無綫電報籌設歸化至太原電綫展設河南信陽州至光州綫路展設河南至汝州綫路大修福廣湘鄂電綫大修張家口至恰克圖電綫籌設安徽潁亳電綫大修陝西全境綫路籌辦電汽專門學堂籌議改良京師電話機器籌畫京師各省電燈改良辦法設立臣部實業學堂第三年籌備清還正太路款江

西南潯告成啟築西潼接築吉長接築四川川漢接築清徐接
築杭甬接築洛潼接築蕪廣測勘庫倫至恰克圖北幹路綫測
勘新民洮南齊齊哈爾抵璦琿東幹路綫籌設歸化至包頭鎮
電綫籌設江西吳城至廣信電綫籌設安徽鳳陽至江蘇徐州
電綫籌設四川至西藏電綫大修贛浙電綫試辦鎮江電話展
設福建汀漳電綫展設奉吉兩省電綫擴充上海電話擴充福
建電話電燈第四年清還正太鐵路借款清徐告成廣九告成
杭甬告成漳廈告成接築西潼接築四川川漢啓築同蒲接築
洛潼接築蕪廣測勘西安達蘭州西幹路綫測勘附屬南幹各
枝綫創設電料製造廠試造電報電話各種電品材料機器展
設湖南洪江至永州電綫展設河南周家口至安徽亳州電綫
展設黑龍江電綫展設廣東高州至肇慶電綫籌畫沿海沿邊
一帶設立無綫電報試辦京城自動電話機器擴充天津電話

擴充江蘇電話擴充浙江電話第五年籌備清還汴洛路款洛
潼告成吉長告成蕪廣告成接築四川川漢接築西潼接築同
蒲接勘蘭州達伊犁西幹路綫接勘附屬南幹各枝綫測勘附
屬北幹各枝綫展設陝西省南北兩路電綫展設山西省南北
兩路電綫展設廣東自佛山至順德香山電綫派員出洋研究
比較自製電品各種材料及製造方法擴充湖北電話電燈試
辦湖南電話試辦山東電話第六年清還汴洛鐵路借款西潼
告成接築四川川漢接築同蒲接勘附屬北幹各枝綫測勘附
屬東幹各枝綫測勘附屬西幹各枝綫入萬國電政公會展設
江西撫州至福建延平電綫展設江西吉安至湖南醴陵電綫
擴充江西電話電燈試辦廣州天津上海自動電話機器試辦
陝西電話試辦河南電話第七年籌備清還滬甯鐵路借款接
築同蒲接築四川川漢接勘附屬東幹各枝綫接勘附屬西幹

各枝綫展設貴州興義至雲南廣西電綫展設四川成都至甘肅電綫擴充製造廠試造關於電燈水綫各種電品材料機器試辦雲南電話試辦貴州電話試辦四川電話試辦廣西電話擴充山西電話第八年籌備清還道清路款清還滬甯鐵路借款接築同蒲接築四川川漢接勘附屬西幹各枝路展設雲南普洱至順甯電綫展設廣西慶遠至貴州貴陽電綫籌設庫倫至科布多電綫擴充製造廠關於無綫電報各種電品機器材料試辦甘肅電話試辦新疆電話展設前後藏電綫第九年清還道清借款接築四川川漢接築同蒲修訂全國鐵路敷設法編定全國鐵路軌綫圖說展設內外蒙古電綫籌設包頭鎮至甯夏電綫籌設甘肅至青海至前藏電綫籌設伊犁至庫倫電綫大修西北各省電綫籌畫擴充改良各省電燈電話下憲政編查館知之

包摺

江西巡撫馮汝駢奏參考刑律草案謹擇其

義關倫常及體察風俗民情未盡合宜者共四十五條加以按語懇飭下憲政編查館會同修訂法律大臣覆加考覈期於天

理民彝維持不敝下修訂大臣法部彙議具奏

包摺

協辦大學

士學部尙書翰林院掌院學士榮慶病請續假並派員署缺得旨賞假一月安心調理所任各缺均毋庸派員署理

包摺

己亥

祭

先農之神遣莊親王載功行禮

早事

諭內閣徐世昌奏特參謬

妄庸劣及素有嗜好各員請分別懲處一摺卸署吉林濱江關道杜學瀛頹廢自私罔知政體吉林候補道宋春鰲假公濟私前辦吉長鐵路糜款甚多黑龍江呼蘭府知府李鴻桂引援求進志趣卑污吉林候補道松毓淆惑衆聽把持學務破壞政權奉天安東縣知縣吳光國玩視學務不治輿情署奉天開原縣知縣保清心地糊塗擅用刑訊准補開原縣典史許鴻藻派充

幫審聽斷粗率均著即行革職花翎知府銜綸昌串結匪類到處招搖著革去職銜盤山廳通判柴樸馭下不嚴難期振作甯遠州知州馬鴻階庸苒無能不勝衝要海城縣知縣曹祖培辦事草率難膺繁劇廣甯縣知縣宋廷標才具平庸不諳新政寬甸縣知縣秋桐孚才欠開展人地不宜柳河縣知縣張晉辦事竭蹶聲名平常均著開缺另補正紅旗滿洲佐領德吉正藍旗漢軍佐領承恩鑲黃旗漢軍驍騎校洪福祥正藍旗漢軍驍騎校楊春和錦州正紅旗驍騎校寶麟鳳凰城驍騎校緒彬復州驍騎校純謙遼陽鑲黃旗防禦兆麟候補防禦聯喜宗室營筆帖式寶崑均屬嗜好甚深有意規避著一併即行革職

現月諭

軍機大臣等貝勒載洵等恭修

崇陵工程遵吉開工一摺又奏

金龍峪吉地金星寶蓋誌椿交

西陵承辦事務衙門敬謹收存等語均敬悉

現月

又諭電寄兩江總

督端方電奏悉清理財政關係重要正監理官係差非缺王清穆仍著來京預備召見所請收回成命終制之處著毋庸議

電寄

東三省總督兼署奉天巡撫郵傳部尙書徐世昌奏奉省各

級審判檢察廳遵章將各級撥用巡警悉還警局其司法巡警事務飭歸各巡官長警擔任下部知之

摺包

又奏遵覆籌辦達

爾汗旗開通道路並請允准勘放以利交通而杜隱患得旨著

該督撫妥籌勘放

摺包

實授鄧邦述爲吉林交涉使陳玉麟爲

吉林度支使秋桐豫爲黑龍江提法使倪嗣冲爲黑龍江民政使談國楫爲黑龍江度支使

現月摺包

庚子諭內閣禮部奏恭鑄

祺皇貴太妃鍍金銀寶請發銀兩並造模呈覽各一摺首一字

均繕寫錯誤實屬疏忽禮部堂司各官均著交部議處

現月

諭

軍機大臣等李經羲奏滇省財政極困新舊軍需無出懇請飭